

93327

EX 142.61

42

3p2:2

卷之一

敘錄

明萬曆志序
乾隆志例

卷之二

通紀一

自唐迄明

卷之三

通紀二

清

羅縣志稿

出英署



濰縣志稿序

濰之有志創始於明萬曆癸酉劉塔山先生清康熙壬子乾隆庚辰兩經續纂至今百有餘年迄未續修光緒丁未邑令宋君弼臣有鄉土志之輯語焉不詳讀者憾之民國辛未本邑設縣志局聘陳鶴儕劉東侯兩先生分任正副總纂輯爲志目十五曰敘錄曰通紀曰疆域曰營繕曰民社曰武備曰秩官曰賦稅曰教育曰實業曰交通曰人物曰藝文曰金石曰雜稽編纂未竟遽遭兵燹僅成通紀賦稅金石三卷暨疆域沿革表民社氏族方言秩官歷代封建表職官表教育徵舉科貢表人物節婦諸篇其餘各稿經丁君倬千妥爲收藏大半尙存之英自己卯春攝篆濰邑得悉其顛末卽擬繼續成書以原修志諸君均不在籍未果越歲庚辰調署萊濰監司因欲考屬縣疆域戶口山川道路等之沿革狀況以爲施政之基故有邑乘之蒐集各縣多已徵到惟濰志獨付闕如爰商同邑紳卽其原稿加以整理委本署督學劉遜聰

濰縣志稿

序

董其事就其缺者補之其不能補者則暫缺之所有發凡起例悉仍其舊歷時一年之久乃克竣事全書共計一千三百九十餘頁外附銅版百餘幀地圖二十餘幅網羅放失綱舉目張雖不敢謂悉臻完善然較之舊志及鄉土志則博瞻多矣今暫定爲濰縣志稿用防散佚以俟後之博雅君子校讎謬誤修正而增刪之得以正式成書廁於志書之林則今日之付諸剞劂烏能稍緩之英以迂鈍之才服務鄉邦當此多事之秋猶獲躬親其事竊喜諸先生苦心經營之志稿岌岌失墜幸底於成而此邦文獻之足徵也爲述其緣起於此俾後來有考焉

中華民國三十年八月任城常之英序於萊濰道尹公署

濰縣志稿凡例

一方志之學數百年來推章學誠爲巨擘論者稱其以獨到之目光萃畢生之精力深明方志之當古國史其纂述宗旨在乎刊除浮僞發揮實狀使後人得以追覩前事纖悉無遺以今日之語譬之眞所謂能寫全體社會活動之迹者雖其所撰不能盡如其所期然其發明義例振起浮俗使方志之用增其偉大章氏之績可謂邁越尋常然章氏生當專制之世其思想不能不爲環境所囿故其所撰纂之永清縣志立皇言紀以當尙書立恩澤紀以當春秋民國時代纂修方志應以人民爲主故本志編撰宗旨在寫本縣數千年社會活動之迹於章氏所創義例擇善而從不敢拘泥

一舊日志書或於志之外別立考紀傳略等名章學誠謂欲經紀一方之文獻必立三家之學倣紀傳正史之體而作志倣律令典例之體而作掌故倣文選文苑之

濰縣志稿

凡例

一

體而作文徵論者稱其爲躋附庸於宗國本志參酌名家志例爲綱凡十五曰敘錄曰通紀曰疆域曰營繕曰民社曰武備曰秩官曰賦稅曰教育曰實業曰交通曰人物曰藝文曰金石曰雜稽概名曰志不復別立他名其所以爲志者則以文字表譜繪圖攝影四者表譜爲文字之便攝影乃繪圖之精合之仍不外古人所謂左圖右書也

一濰縣之有志書始于明萬曆癸酉續修于清康熙壬子及乾隆庚辰惟所蒐輯頗有陋略本志雖爲重修幾等於創修於舊志之闕略者竭力補輯其可存者盡行采入蓋對舊志既不敢輕侮亦不敢盲從也

一方志紀載事實標明所引之書其例始於宋高似孫之剡錄明代方志無倣之者至清乾隆以還倣者漸衆所謂無徵不信體至善也本志凡所紀載一律標明出處其得之採訪者亦復註明

一方志可以考見種族之分合文化之升降與民力之消長原非文士藉炫藻采之具故偏尙文辭爲章學誠所舉修志八忌之一况今時一切著述均日趨於平民化貴使人人可讀故本志文字但求暢達雅馴力避蕪濫艱深其應附外國文及註音字母者均附於下

一方志通例每類之前必作序引或嘗其半屬空套於義無取然概行刪削或無以提綱而挈領陸隴其靈壽縣志吳汝綸深州風土記則序引之有無初無定格實可爲法本志依其例各篇之前不必皆有序引

一星野之說多出附會清乾隆熱河志已一掃舊習值此科學大明之會不宜猶蹈故常故本志於前志所載星野刪而不錄

一大事有表昉於史記凡事之關係重要者列諸表中檢查自易本志倣編年史例易表爲紀本縣自唐堯以來之大事皆分代記載

濰縣志稿

凡例

二

一名勝古蹟及金石拓片在歷史上有重要價值者皆攝製影片編入鄉先生之足爲矜式而有遺像者亦攝影分列人物志各卷之前

一坊表寺觀或以其無關教養不與學宮倉庫並列然此二者實足以資觀感而警貪玩稽其廢興且足以考見民風之移易與民力之消長故陸隴其修靈壽縣志不載坊表寺觀爲章氏所譏本志則仍以二者列入營繕志

一各志建置圖多僅及衙署書院學宮三項而地方名蹟轉不以圖傳惟錢大昕鄞縣志有天一閣及天童寺阿育王塔圖頗爲可法本志於寺廟之較大者皆擇繪平面圖

一章氏知族屬譜牒之要其永清志士族表專取科第之家一般民庶概付闕如蓋爲唐宰相世系表之成法所束縛與今國民平等之旨不合本志氏族表則凡有考者一律列入各以其姓筆畫之繁簡爲次

一物價之低昂工資之漲落繫於民生習俗者至大舊日修志家侈言高尚恆不屑道故方志中鮮及之者今確查近五十年來工資物價列表以備後日比較之資一清乾隆二十六年至道光元年縣署案卷散佚無存秩官姓名籍里皆無從稽考茲從各書補入其不能考見者姑從闕如

一人物及藝文各志皆以其人既歿爲限以符蓋棺論定之義至婦人守節逾三十年者雖生存亦錄蓋各志通例也

一錢泰吉海昌志以人物分目爲歷來陋習然綜核平生則人各有品並非強爲評論民國十四年新修獻縣志頗爲時論所崇其人物篇仍有高介忠義孝友文學各目本志依其例人物志仍分子目蓋依馬文煒安邱志于慎行東阿志之例也一舊日各志或以人物與列女爲二門意謂女子不得稱人物也此最爲悖繆本志以列女爲人物之一目以符男女平等之義

濰縣志稿

凡例

三

一藝文一門文學與藝術並重各家著述據書錄目而不選載其文欲窺全豹當求原書其與各門有關者則依吳郡志例散註各門之後取便觀覽其書畫雕刻則就原品攝影以存真相

一金石志多采自邑人郭麐所輯濰縣金石志以元朝爲限明以後之碑文則分註各類之後

濰縣志稿目錄

卷之一

敘錄

明萬曆志序暨修志姓氏 清康熙志序暨修志姓氏 清乾隆志序例

卷之二

通紀一

自唐迄明

卷之三

通紀二 清

卷之四

疆域志 經緯

昇刻

氣候

地質

地勢

面積

山海

卷之五

疆域志 河渠

泉源 湖窪附

濰縣志稿

目錄

卷之六

疆域志 沿革

境界

卷之七

疆域志 會集

遺蹟

古國

故城

鄉村

名勝

宅居

冢墓

古木

卷之八

營繕志 城隍

墩鋪

公廨

倉院附

卷之九

營繕志 壇廟

寺觀

卷之十

營繕志 橋梁

石路附

堤堰

坊表

卷之十一

營繕志 園亭

卷之十二

民社志 氏族

卷之十三

民社志 戶口 自治

卷之十四

民社志 風俗 節序 歌謠 宗教 儒教 釋教 道教 基督教 度量衡 物價表

卷之十五

民社志 方言 名物詞

卷之十六

民社志 方言 形容詞 動作詞 附諺語

濰縣志稿

目錄

二

卷之十七

武備志 軍防 警務 團練

卷之十八

秩官志 歷代封建表

卷之十九

秩官志 職官表

卷之二十

秩官志 職官列傳

卷之二十一

賦稅志 田賦 雜稅 菸酒稅 印花稅 營業稅 鹽稅 地方附捐 倉

卷之二十二

教育志 學宮 學額 學校 學田 教育行政 教育經費 學校教育

卷之二十三

教育志 徵舉科貢表

卷之二十四

實業志 商業 工業 農業 礦業 鹽業 漁業

卷之二十五

實業志 物產表 植物類 動物類

卷之二十六

交通志 鐵路 汽車路 縣道 鎮道 航路 郵務 電務 電報 電話

卷之二十七

人物志 事功

濰縣志稿

目錄

三

卷之二十八

人物志 事功

卷之二十九

人物志 儒林 高士 義行 耆壽

卷之三十

人物志 文學 武冑

卷之三十一

人物志 孝友 忠烈

卷之三十二

人物志 藝術 外徙 僑寓

卷之三十三

人物志 列女 節婦

卷之三十四

人物志 列女 烈女 烈婦

卷之三十五

人物志 列女 壽母 賢婦 孝女 貞女 才女

卷之三十六

人物志 釋道

卷之三十七

藝文志

卷之三十八

金石志 金類 陶類 石類

濰縣志稿

目錄

四

卷之三十九

金石志 石類

卷之四十

金石志 石類

卷之四十一

金石志 石類

卷之四十二

雜稽

濰縣志稿卷一

敘錄

明萬歷年修濰縣志序暨修志姓氏

劉應節序

濰在東土故稱北海郡其後併隸不常迨洪武年始置縣聲名文物裒然猶稱他邑首非編壤也舊有志歲久浸滅不可讀鄉先達大夫饒使劉公家食有間慨然以修輯爲任既成則抵余書問序焉余亦濰人也愧奔走風塵無能執役左右則亦惡得以無言夫郡邑之有志猶邦國之有史其傳信以詔來一也豈惟山川人物靈化攸關而土田貢賦奸宄斯積是故諸侯去籍杞宋無徵孔孟且憂之况其他乎粵自濰淄旣道形勝雄於九州其後太公因之尊賢上功治倅東魯馴至春秋戰國之際鑄山煮海國富兵強名曰東秦豈非上可以王次猶不失爲霸與國家二百年來山河

濰縣志稿

卷一

敘錄

一

不改田賦彌充宛然濰淄之舊也人文接踵於賢科節義光昭乎簡冊巖廊事業闡巷紱歌風颯乎太公海上之遺音也司土者視官如居傳舍輕典籍如土苴於志之有無曾不一置齒頰卽百一及之亦竟以授簡無人畫餅爲勞無何興嗟去矣劉公以良史才不惜操觚僅數月輒爲成書今披圖覽勝千里封疆明於指掌一切土壤貢賦據程按牘毛髮灼如鏡觀是故雖有舞文之吏詭法之奸無自作焉茲不可以傳信詔來與邦國史並傳而無敝哉於戲醫方奕譜變化由人若緣文獻之舊以光復霸王之業俾太公東海遺音不至泯絕則在司民牧者加之意哉

王漸序

上闕 詎是故識也者意之筌也明也者斷之資也先生所謂識與意相得明與斷相成者也否則秦居而越語將齟齬而不肖庖丁不得理解觸手卽髡髀矣斯不亦難哉以是而言作者之蘊或如此至於誌之懿章要旨前序言之備矣茲不再及也校

畢日將付諸梓人因書此以綴于篇終蓋亦庶幾乎驥尾之繩也

修志姓氏

編輯 勅進承德郎兩淮運司同知前戶部郎中邑人劉廷錫

校正 詔進朝例大夫前南京刑部郎中邑人胡邦佐

賜進士陝西按察司副使前監察御史邑人王漸

清康熙年修志序例暨修志姓氏

王珍序

濰何昉乎禹貢紀濰淄其道蔡九峯先生註謂源出瑯邪箕屋山流經縣東迤北入海是濰爲縣之襟帶而縣亦由是名誌何昉乎古禹貢有書職方有紀以及後世史記輿圖諸書載形勝風俗以傳來世使采風者一覽而瞭然在目所謂志也濰志自明萬歷癸酉塔山先生纂修之後迄今歷一甲子零四十年板佚字缺簡蠹篇殘濰

濰縣志稿

卷一

敘錄

二

地山川難辨眉目矣余膺簡命來牧茲土入其疆見白狼環於左孤山峙於右尊賢尚功之俗肩摩轂擊之民雞犬相聞之境誠泱泱乎大風也哉每欲攀丹山以搜樛巖虎穴傍滄海以探蛟窟鼉宮東望蓬萊西瞻秦岱訪尙父釣磯弔伯夷築室以窮其勝奈何簿書鞅掌不能對湖山而稱主人貽笑山靈河伯者久之適聖天子從相國衛曲沃之請勅天下郡縣之誌盡皆搜遺補缺編輯成書上之宗伯彙成大清一統誌以備披覽偉哉觀乎吾聞載志之筆凡分野有景卿變異則志之歷代有封建更置則志之山川有靈異奇秀則志之城池學校有修葺賦役戶口有增損則志之官茲土者能表風勸俗捍患恤災者則志之生茲地者能濯行勵績規儀矩步里落皆化者則志之是志所以係一代之偉觀者小所以維萬世之風教者大也於是集同寅商耆紳咨夙學以求百年以前之舊跡訪博儒搜野史詢父老檢藏書以補百年以後之遺編校閱其款楷錄其文省試其工甫閱月而功告竣志成以後必將廉

頑立懦功利變而禮教誇詐變而信義仁嚆義酣可爲天下諸郡縣之倡此千古之聲教也於戲茲志之傳不幾並海岱而無窮與乾坤而永久也哉於是詳其事而爲序云

陳調元序

元也落魄薄宦二十八年於茲適以修墓來歸故里見凋殘零落之狀如令威之集華表城郭人民不勝今昔之感邑侯王公命駕及門訪曰恭惟今聖天子百度維新一統肇域俞閣臣請修版籍以志郡邑我濰表勝北海襟帶青萊厥號股肱之郡而方書或闕典故無聞無以揚國朝幅員之盛事無以應輜軒觀風之下詢皆守土者之責也執事其圖之對曰幸甚君侯嘉惠我濰里士邀與有榮亦素願也敢不受命竊念邑之有志猶國之有史也先達劉公廷錫當時編輯什一尙存計去今百有餘年兼遭故革之變前事殘後事缺是有志無志也於是商二三同人訪遺跡撫佚事

濰縣志稿

卷一

敘錄

三

山川風土詢諸父老而猶必徵以故實兵農錢穀徵諸新編而猶必參以舊額忠孝節烈得之耳目而猶必覈以輿論前所未備者備之近所未輯者輯之計受事凡旬餘日而粗具一稿以請正於邑侯王公告竣事焉使後之君子知凋殘零落之餘有人焉收合餘燼以俟來者取譏草而潤色之余復借手以告無罪於前哲是余之大幸也夫

原修姓氏

總裁

知濰縣事關中古會

王珍

校閱

教

諭

劉秉和

監修

縣

丞

孫鼎鈇

典

史

王昌周

行人司司正前刑科都給事中陳調元

考訂

浙江湖州府歸安縣知縣

宋國彥

丁酉科副貢考授州同知

于際隆

丁酉科舉

人

于澤長

癸卯科舉

人

呂應祥

甲午科恩

貢

蔡宗襄

廩

生

梁萬福

清乾隆二十五年修志序例暨修志姓氏

崔應楷序

周官職方氏掌天下之圖以掌天下之地辨其邦國都鄙人民財用九穀六畜之數周知其利害後世自輿地全圖下及一州一縣各釐爲志乘程子云修志爲居官第一義蓋緣是可藉以攷時物之豐歉政教之得失習俗之淳薄窪隆以爲之調劑轉

濰縣志稿

卷一

敘錄

四

移於其間其爲掌故所存典綦重也濰邑爲古斟鄩區今隸萊州當東西孔道水甘土厚滋育繁阜生其間者代有偉人發揮經術則標通德之坊振興風騷則樹建安之幟其攀柏廬居至廢蓼莪之篇而遼東皂帽誓不爲丕大中尤恩篤父子義重君臣磊磊軒天地風厲百代足爲文獻之徵者聲光咸不可磨滅茲邑之有志肇於前明萬曆癸酉皇朝康熙壬子又一續纂迄今缺而弗修者八十有九年矣洪惟我國家重治累熙德教覃敷九垓八埏風氣並蒸蒸日上况大風表海實在於是此數十年中土田益闢生聚益蕃溝渠城郭益修舉忠孝節廉文武勲業士著宦遊益爭相彪炳其足以揚太平之休而徵風化之盛又烏得聽其湮沉而不續書哉今賢令張君獨任纂修之責於前志所未及登者並爲之蒐羅編輯彙爲一書職要職詳蔚然具備余尤有不能無感者邑有太公臺爲當年避地之所維師尙父廣張三千六百之鈞晚與文王風期暗合乘時吐氣懋布經綸卒佐寧王勘亂鷹揚變伐封國營邱

用播三齊耿光虎變不測如是使待天下之清而不得亦終身老釣叟耳乃時之人
遭逢聖代苟抱瑰瑋絕特之材立可騁足天衢贊勳鴻業耀旂常而銘鐘鼎卽挾一
能一藝亦得備奔走供驅策攀鱗附翼以成功名則未嘗不歎古人所遇之艱而生
斯世之慶幸爲何如也爰因其請而爲之序

沈廷芳序

山川靈秀之氣扶輿磅礴往往鍾於人傑以發其光華而人傑之盛者尤在其歸宿
結穴之處夫山川相爲表裏山之脈絡難知川流則顯而易見黃河之入中國由雍
而冀而豫而竟以趨於海故北條諸山之脈亦由研岐壺口雷首王屋太行恒山至
于碣石而太行王屋之脈又東南而爲岱宗故濟水自王屋而來繞岱宗之陰由利
津以入海二瀆之尾閭不越北海諸郡相近數百里間其來也遠故其發也大而賢
哲之士亦甲于山東今之濰邑卽古之北海郡所治也其在唐宋則爲濰州宋安陽

濰縣志稿

卷一

敘錄

五

韓公浩知州事時曾建祠繪遼紛庸生鄭康成輩三十人像於堂顏曰論古夫此三
十人者皆朗朗如天邊列宿非僅雕蟲末技之士之所可同日而語也非名山大川
靈秀之氣所結而然歟當時爲之記者謂韓公風義度越古之循吏凜然示一郡之
儀刑有關於政治風化不小則有民社之責者可不知所務乎張君耀璧宰高苑以
賢能調濰邑蓋能以經術佐吏治者也甫蒞任卽聘余及門王孝廉誦芬取邑志而
重新之搜羅遺佚昕夕討論而尤以忠孝廉節爲斤斤其論古堂繪像諸賢皆仍舊
志而無所移易按宋濰州所領縣三北海而外惟昌邑與昌樂耳庸生鄭玄管寧邴
原等或產高密或產膠東或產朱虛非盡濰州之產而要皆爲東漢北海之國韓公
已繪之於堂今何不可列之於志豈有嫌於借才且以知張君之儀刑古人獎勵風
化亦猶韓公之意也豈不可嘉也哉因本其意以爲序

洪肇楸序

濰爲古營邱地其先爲寒國爲斟尋爲逢迨漢領於北海郡降及後代爲軍爲州爲縣沿革不一蓋亦海邦一重鎮也我國家統一區域命輶軒採下國風土纂一統志自是而省而郡而州而縣皆各有志以備掌故余嘗取濰縣舊志讀之每怪其編次脫漏擇焉不精繁簡間出按志修於康熙壬子年巽甫陳給諫本前明塔山劉先生原志增損之序有云甫閱月而功告竣嗚呼以邑之人志邑之事固甚易易然萬歷癸酉距本朝康熙壬子中間百有餘年世變多故筆不勝書且當兵燹之後文獻難徵而志猶速成如此是子長何以父子相繼而史始成孟堅作漢書何以終其身未得卒業於以知舊志之未當人意有由然也皇上御極之二十五年蘭谿張君以賢能由高苑調宰是邑數月之間政事具舉尤以邑乘爲塵塵詢諸邑之士大夫厥謀僉同爰咨老宿搜故籍廣採訪躬自鑒核受簡於歷下孝廉王誦芬蘭舟編次其事凡三閱月聿觀厥成而請序於余余考濰之疆域在昔或領十數州縣或分隸或割置代有變遷山川人物莫從確指余慮張君猶有近今之情也及搜閱再三其中爲卷六爲志九爲目五十有二篇頁視舊志不加多而事蹟較詳損益所當益其事核其詞文其體備彬彬乎秩秩乎實有其文采焉若山水之名勝賢哲之遺蹟其舊爲所繼而今非者亦必備書非附借志以資考鏡體固然也於是乎程符塔嶺之雄秀白狼濰水之淼晶甌宇蓬萌徐幹王裒諸前哲之忠孝廉節政事文章山若因之而益高水若因之而益深人若因之而益顯其所以備掌故供輶軒之採者在是而張君之不敢因陋就簡以爲治亦大略可睹矣爰爲之序其簡端

張耀璧序

夾漈鄭氏譏司馬子長筆削不遑采摭未備又譏班孟堅全無學識專事剽竊著述詎易言哉顧我國家全盛幅輳廣袤三古未有凡省會郡邑咸各有志以備一方掌故邑乘缺略非令典也濰志自塏山劉公修於前明神廟本朝康熙十一年邑令會

昌王公邑紳巽甫陳公又踵而輯之距今八十有九年板字湯漣篇帙零落且戶口日以繁滋風俗日以淳茂職官科第日以增加孝弟節烈之行文獻高逸之士日以踵興所當急爲詳載以昭來許余於夏五月自高苑承乏斯邑竭其駑鈍摒擋塵案如墾闢荒地開濬大于等河修葺學校及一切墁鋪祠宇種植樹木次第舉行方將按圖攷索稽古宜今而志乘缺軼誠今日之急務也爰與學博高張二君慎選紳士九人授簡采輯復聘己卯孝廉長洲王蘭舟先生討而綜之余以案牘之暇發凡起例相與商確而裁定之三閱月而書成付之剞劂展而誦之凡星緯圻封丁賦土俗官方士行志節文章犁然具備而一以導揚聖朝百餘年重熙累洽涵煦滋液之德以備輶軒而資攷鏡若如范石湖之志吳郡康對山之志武功馬定宇之志安邱卓然成一家之言則非余固陋之可及尙有望於博雅洽聞者踵事於後云

修志姓氏

濰縣志稿

卷一

敘錄

七

總裁

濰縣知縣張耀璧

編纂

歷城舉人王誦芬

提調

濰縣教諭高廷樞

協理

濰縣縣丞王清享

濰縣訓導張宗載

濰縣巡檢金泰

濰縣典史趙光宗

分纂

增廣生員郭偉勛

附學生員劉志仁

原任瑞金縣郭燦

壬申歲貢孔傳禮

增廣生員孔傳中

附學生員陳士仁

癸酉拔貢郭同芳

附學生員丁劭龍

廩膳生員韓騰

採訪

州同郭偉業

中書郭鴻文

州同田廷琳

州同陳鴻受

主事陳陽旭

京堂經歷

郭彝訓

監生郭烜紀

監生朱遵訓

監生于廷銓

武生韓鐸

附生胥欽祖

附生夏時行

附生劉鑑開

附生宋汝梅

附生徐秉彝

武生鄭永清

武生程振

歲貢楊毓秀

監生郎象文

監生宋岸

監生王鳳鳴

增生劉克上

附生王執信

武生王德興

歲貢孫繼昌

廩生元濤

附生劉若麟

附生季維世

附生李廷斌

附生季維本

貢生王淑均

廩生徐曰成

武生于濟川

武生于捷三

歲貢牟三行

增生魏來岐

附生張作公

附生王熙孔

附生傅邁千

附生王懷德

附生李象賢

附生叢殿颺

抄寫

文童張志義

修志徵言

良書昉於麟史繼其後者惟有董狐大業藏之龍門傳於今者獨惟司馬列國之春

濰縣志稿

卷一

敘錄

八

秋猶在一邦之掌故斯存睠茲濰州夙稱名邑虛危分野封域當斟鄩之區渤海溯源形勝屬青萊之臂程符塏嶺雲靄靄以連山丹水白狼風泱泱而表海若夫偉長則名高七子康成則功在六經或痛父而廢詩或規朋而割席仰風流於先哲稽文獻於是邦顧邑之有志也刊修於前明萬曆癸酉之年續纂於國朝康熙壬子之歲其間弛張損益登耗盛衰與夫孝子忠臣貞女婦節事軼八十有九年地廣一百四十里付風煙之邈邈等逝水之茫茫藻鑑無資輶軒弗備惟是不佞吹竽已澁非能報政以文章汲綆不修詎足游情於翰墨爰謀授簡更慎遴才知雞壇代有青衿信虎觀人傳彩筆伏望披蠹香於帳裏乞開細素之函出鴻寶於枕中敢借瓊瑤之報周年紀冊彤管堪資魯壁遺經金錢可買其稗官野錄大都荒誕無稽卽家傳碑銘亦復浮夸失實欲以信今而傳後允資博考而旁參掃艱深鄙穢之言黜荒謬奇袤之說輪扶大雅詞分序以就班蓋倚小山事綜類而按部上自天文地理之大下及